

Text 74

קצת משה רבינו ע"ה (00301)
ושערי גן עדן וגיהנם (00302)
ובו דברים המעוררים את האדם לתשובה. (00303)
וזו שער השמים (00304)
תבארך אלה אלהי ותעאלא דכרה. (00305)
רב אל עאלמין. אל עזיז (00306)
אל גבאר עלא כול אל עאלמין. רב אל ארבאב. (00307)
מעחק אל רקאב. ומנשי אל סחאב. אל עולטאן (00308)
מעלטן אל עלאטין. אל טאיק אל אמין. אל חק (00309)
אל מובין. באסר אל מסרפין. וקאמי אל כאפרין. (00310)
ומהלך אל ע'אלמין. ומוביד אל טאלחין. ונאער (00311)
אל מומנין. וחאפץ' אל אולייא ואל עאלחין. (00312)
אלדי כ'לץ בני אסראיל אל פאע'לין מן אל (00313)
מערינו וגעלהם מעתוקין. ופי אל ברארי (00314)
סאלכין. וארסל להם אל ראעי אל אמין והו (00315)
מוסא אבן עמראן עליה אל סלאם. וכאן כרוגהם (00316)
מן מער. אל אוול בזכות אברהם יעחק ויעקב (00317)
אבתנא עליהם אל סלאם. כמא קאל אל פסוק (00318)
מי זאת עולה מן המדבר. יעני מן הי האדי אל (00319)
טאלעה מן אל בר. והי כנסת ישראל אלדי (00401)
גמיע כול אעלאמהא ונ"א אעמאלהא ומנאזלהא (00402)
מן אל בר. אל סנהדרין ואל משכן. ואל דגלים (00403)
כולהן מן אל בר. בתימרות עשן הו רמז לענני (00404)
כבוד. ועשן הו עמוד אל נאר אלדי כאן יחרק (00405)
מן קודאמהם כול נחש שרף ועקרב גמיע אל (00406)
דביב אל סאירין עלא אל ארץ' אל מוד'יין. (00407)
וטלוע אל עשן. הו לחיתא אן ישופו גמיע (00408)
אל אנמות. ותכון היבת ישראל (00409)
עליהם. היבה וכוף, וקאל אל פסוק מקושרת (00410)
מור הו רמז אן כנסת ישראל מתווגהא בזכות (00411)
אברהם אלדי תמת'ל ללמסך. ומתל אלדי אל מסך (00412)
הו ראס אל אטיאב. כדאלך אברהם אבינו ראס (00413)
אל אבות. ואל לבונה. הי רמז לזכות יעחק (00414)

אבינו אלדי תקרב על גבי המזבח כמא אל (00415)
לבונה. מכל אבקת רובל הו רמז ליעקב אבינו (00416)
ע"ה. ומתל מא זועבת אל עטאר אלדי מא (00417)
תנקץ שי מן כול (אל מעלות) אגנאס אל בכ'וראת (00418)
אל שמומאת ואל עטוראת אל עאל. כדאלך (00419)
יעקב אבינו כאמל בכל שי מן אל מעלות. (00420)
אל כהונה. אל לוייה. ואלמלכות. ואל (00421)
דגלים. ולאגל זכות אל אבות. ארסל להם (00422)
אללה ב"ה. בסייד גמיע אל עאלם כולהא והו (00423)
משה רבינו ע"ה. אלדי קאל עליה שלמה המלך (00501)
ע"ה כתפוח בעצי היער כן דודי בין הבנים. (00502)
וקאלו פי אל מדרש כתפוח בעצי היער נג' זה (00503)
משה רבינו ע"ה. פי סאעת אלדי תגלא עליה (00504)
אל רב סובחאנה ותעאלא פי גבל חורב וקאל (00505)
לה אמשי יא מוסא ואכרג קומי בני אסראל מן (00506)
מער לאין עיאחתהם קד עצרת קודאמי וועלת (00507)
אלא כורסי אל ערש ודכרת להם עהד אבאיאהם (00508)
אברהם יעחאק ויעקוב עליהם אל סלאם. וגווב (00509)
מוסא וקאל יא רב אל עאלמין. מן אנא חיתא (00510)
ארוח אלא פרעון ואכרג קומך בני אסראל מן (00511)
מער. קאל לה אל רב. יא מוסא אנתא ושית (00512)
בנפסך. וחיאתך איני אכברך ואעליך עלא גמיע (00513)
מלאכי השרת. וואגב אנת ותסתאהל להאדי (00514)
אל דרגה אן תעלא. כמא קאל אל פסוק. (00515)
ושפל רוח יתמוך כבוד. יעני וואטי אל רוח ואל (00516)
כאטר ינאל מגד (יחצל אכראם). ועזתי וגלאלי (00517)
אני אכון מעך ואעטי גמיע ארץ' מער בידך. (00518)
ואכ'אטבך וארויך באיאת. ואטלעך אלא אל (00519)
סמא. וארויך אל מלאייכה ושווארע אל סמא. (00520)
ואעליך אלא ענד אל כורסי הו כורסי אל ערש. (00521)
ואאיידך ואשדדך ואזגידך (אקויך) עלא אלמלאייכה (00522)
אלדי' פי אל סמא אל עאלייה. (00523)
פי דאלך אל וקת למא טלע ברעונו יתברך (00601)
באיש יחב משה רבינו ע"ה יטלעה אלא (00602)
אל סמא ויעטיה את תורה קאל הקב"ה למ"ט (00603)
שר הפנים רוח וגיב משה בן עמרם אלא (00604)
ענדי בג'נאני ותסאביח בדפוף וטבול וטיעאן. (00605)
בטרב ומזמאר וכול אלאת אל מוזיכה. וקאל (00606)

מ"ט קודאם אלרב סובחאנה יא רב אל עאלמין. (00607)
מוסא מא יקדר יטלע למכאן מלאכי אש (00608)
ושרפים של אש מתלקחת והוא בשר ודם. קאל (00609)
לה אלרב סובחאנה. רוח אלא ענדה ואקלב (00610)
גסמה לנאר. ועיונה. מת'ל משאעיל אל נאר. (00611)
ולסאנה מתל מקדאח אל נאר. (00612)
פנזל מ"ט אלא ענד מוסא. ולמא שאפה מוסא (00613)
אבתהת וכ'אף ואפתזע מנה ואראד מן (00614)
יעקט עלא ונהה עלא אל ארץ' ומא קדר יוקף (00615)
קודאמה. וקאל מוסא למ"ט איש תכון ומן (00616)
אנת. קאל לה לא תכ'אף יא ולדי. אנא חננד (00617)
אבן ירד אכ'ד'ני אל רב סובחאנה וטלעני אלא (00618)
אל סמא וערת כמא ואחד מן אל מלאיכה ואסמי (00619)
מ"ט. וארסלני אל רב ב"ה אני אטלעך אלא (00620)
אל סמא קודאם בסא הכבוד. (00621)
גוובה משה רבינו ע"ה וקאל. כיה אטיק אקדר (00622)
אטלע למכאן נאר ואנא מן לחם ודם (00623)
ואנתו אל מלאיכה גסודכם מן נאר מא אקדר (00701)
אקאבלכם. קאל לה מ"ט לא תכאף יא מוסא (00702)
ומא יכוועך מן דאלך. ופי דאלך אל וקת וקף (00703)
מ"ט וקלב גסם מוסא לנאר. ועיונה מת'ל (00704)
משאעיל אל נאר. ולסאנה מת'ל מקדאח אל (00705)
נאר. ועאר מתל מלאכי השרת. ווקפו אל (00706)
מלאיכה כמסת עשר אלף מן ימאנה וכמסת עשר (00707)
אלף מן יסארה. וכמסתעשר אלף מן קודאם (00708)
וכמסתעשר אלף מן אל ורא. ומוסא ומ"ט פי (00709)
אל ועט. וראחו וטלעו אלא אל סמא (אל בקיע) (00710)
אל אוולי אלדי ישבה לאוול יום אל אסבוע. (00711)
ושאף מוסא הנאך אן אל מאי ואקף אסואר (00712)
אסואר ואל סמא כולהא רואשן רואשן חלונות (00713)
חלונות) ועלא כול רואשן ורואשן פיה מלאיכה (00714)
ואקפין עליה אלדי מא להם עדר. (00715)
פלמא שאף מוסא דאלך. סאל למ"ט וקאל (00716)
לה. קול לי איש הל מלאיכה והדולה (00717)
אל רואשן. קאל לה. יא מוסא האדולה אל (00718)
רואשן פיה אלדי תטלע מנהן אל תפלות חק אל (00719)
אואדם והן רואשן לאל עלה. רואשן לל תחנין. (00720)
רואשן לל טלבה. רואשן לל דעא. רואשן (00721)

לל שבאע. רואשן ללגוע. רואשן ללג'נא. (00722)
רואשן לל פקר. רואשן לכתר אל אמטאר. (00723)
רואשן לקטע אל אמטאר. רואשן לל פרח. (00801)
רואשן לל בוכה. רואשן לל חבל. רואשן (00802)
לל ולאד. רואשן לל חייאה. רואשן לל מות. (00803)
רואשן לטאעון אל אואדם. רואשן לטאעון אל (00804)
מואשי. רואשן לל ד'נוב. רואשן לל תובה. (00805)
רואשן לל עלטנה. רואשן לל נער. רואשן (00806)
לל אנכסר. רואשן ללטלחה. רואשן ללחרב. (00807)
רואשן ללסלאם ואל עולח. רואשן ללמרץ'. (00808)
רואשן לל עוואפי. ושאף מוסא איצ'א רואשן (00809)
כתירה אלדי מא להא טרף ולא עדד. ועלא (00810)
כול חאגה וחאגה פיה מלאיכה כת'יר מווכלין (00811)
עליהא. (00812)
וטלע מוסא אלא אל רקיע אל תאני אלדי' (00813)
ישבה ליום אל אתנין פי אל אסבוע. (00814)
ושאף הנאך מלאך מוכ'יף גדא. ומא נקדר (00815)
נכתב אסמה הנא מרוב קדושתו. וטולה (00816)
ת'לאת' מאית פ'רסה. ומעה מלאיכא כובאר (00817)
כמסין רבווא (וטול אל ואחד מאייה ואתנן (00818)
וכמסין אלף דרע) וכולהם מן נאר ומאי (00819)
ויגוההם לפוק קודאם אל שכינה. והם יסבחו (00820)
אל רב ויקדסונה ויקולו גדול ה' ומהולל מאד (00821)
סאל מוסא וקאל למ"ט איש האדולא אל (00822)
מלאיכה ועלא איש הום מווכלין? קאל (00823)
לה האדולא מווכלין עלא אל ריח ואל ברק (00901)
ואל ג'מאם ואל מטר. וראחו יפעלו רע'א (00902)
כ'אלקהם ורגעו אלא מכאנהם והום יסבחו אל רב (00903)
ויקדסוה. קאל לה מוסא וליש הם ואקפין (00904)
ווגוההם לפוק? קאל לה יא מוסא. מן יום מא (00905)
כ'לקהם אלרב סובחאנה מא בעדו וגוההם מן (00906)
קודאם אל שכינה והיך הום ואקפין ולא תג'יירו (00907)
מן קיבאלת אל שכינה. (00908)
וטלע אלא אל רקיע אל ת'אלת' אלדי' ישבה (00909)
ליום אל תלות. ושאף מלאך כביר (00910)
ומוכיף גדא. וטולה קדר מן אל סמא ללארץ'. (00911)
יעני מסיר כ'מס מאית סנה. ולה סבעין אלף (00912)
ראס. וכול ראס לה סבעין אלף פום. וכול (00913)

פום לה סבעין אלף לסאן. וכול לסאן ולסאן (00914)
פיהא סבעין אלף אנגאס בלאם ואעואת. וענדה (00915)
ואקפין סבעין אלף רבווא מלאייכא. וכולהום (00916)
מן נאר ביצ'א. והם יסבחו אל רב תעאלא (00917)
ויקדסונה ויקולו לה' הארץ ומלואה. לך ה' (00918)
הגדולה והגבורה וכו'. סאל מוסא וקאל. איש (00919)
אסמהם האדולא ועלא איש הומא מווכלין? קאל (00920)
לה אסמהם אראלים והום מווכלין עלא (00921)
עשב וגמיע אל אשגאר. ועלא (00922)
אל בר. ואל שעיר. ועלא גמיע אל פואכה (00923)
(ואל פירות) ואל אתמאר. וסארו ופעלו רע'א (01001)
כ'אלקהם יתברך שמו לעד. ורגעו אלא (01002)
מכאנהם. (01003)
וטלע אלא לא רקיע אל ראבע אלדי ישבה ליום אל (01004)
רבוע. ושאף בית המקדש מרתב ומבני. (01005)
קואיימה מן נאר חמרא. וחגארה מן נאר כ'ע'רא. (01006)
וקואעדה מן נאר ביצ'א. ואל ואחה מן נאר (01007)
לאהבה מן חגאר אל גוהר מן אל עזיז בהרמאן אל (01008)
אלדי ישעל כתיר אלדי יתסמא אבני אקדת. (01009)
ומפארגה ואמכנתה מן חגאר אל עקיק. ושאף (01010)
אן אל מלאיכה יכרגו וידכלו לבית המקדש (01011)
ומשבחין ומפארין לשמו יתברך ויקולו ברכו ה' (01012)
מלאכיו גבורי כח עושי דברו וכו'. סאל מוסא (01013)
למ"ט וקאל עלא איש האדולה מווכלין? קאל (01014)
לה האדולא מווכלין עלא אל ארץ' ואל שמש (01015)
ואל קמר ועלא גמיע אל כוכבים ואל מזלות (01016)
(אל נגום ואל אפלאך) ועלא אל גלגלים. (01017)
וכולהם יסבחו אל רב סובחאנה ותעאלא. (01018)
ושאף מוסא אתנין נגום כבאר כתיר וכול ואחד (01019)
עלא קדר כובר אל ארץ' ואחד אסמהא אל (01020)
זהרה (נונה). ואל ת'אני אל מריך (מאדים). (01021)
ואחד. מן פוק אל שמש וואחד מן פוק עלא (01022)
אל קמר. וסאל משה רבינו עה למ"ט וקאל (01023)
לה עלא איש הום קאעדין האדולא. קאל לה (01101)
(נונה) אל זהרה עלא ונה אל שמש. פי אל חמא (01102)
לאגל תעטי ברוד ללדניא לחתא לא תחרק אל דניא (01103)
מן חמא אל שמש. (ומאדים) אל מריך עלא ונה (01104)
אל קמר לאגל יעטי חמא ללדניא ויחמי אל (01105)

דנייא מן אל ברד חק אל קמר. פי איאם אל (01106)
שתא. וגמיע דאלך בקודרת אל רב תעאלא. (01107)
וטלע מוסא אל רקיע אל כ'אמס אל די ישבה (01108)
ליום אל כ'מיס. ושאף הנאך גמעייאת (01109)
(גופקת) מלאיכה נעפהם מן נאר ונעפהם מן (01110)
תלג. אל תלג מן פוק ואל נאר מן תחת. (01111)
ותעגב עלא אלדי אל תלג מא יטפי אל נאר. (01112)
ואל רב סובחאנה ותעאלא געל אל עולח ואל (01113)
סלאמאת בינהם. לא הדא יחרק הדא ולא (01114)
הדא יטפי הדא. וקאל לה מוסא האדולה איש (01115)
אסמהם? קאל לה אישים וכולם משבחים (01116)
ומפארים לשי"ת ויקולו עושה שלום (01117)
במרומיו ב"ה וברוך שמו לעד. (01118)
וטלע מוסא אלא אלרקיע אל סאדס אלדי (01119)
ישבה ליום אל סאדס פי אל אסבוע. (01120)
ושאף הנאך מלאך טולה מסיר כ'מס מאית סנה. (01121)
ואסמה מא נקדר נקולה הנא מרוב קדושתו. (01122)
ועורתה כולה ברד. וואקפין מעה אלוף ורבוואת (01123)
מלאיכה אלדי מא להם לא קיאס ולא עדד. (01201)
וכולהום יסבחו לל רב סובחאנה ותעאלא. וסאל (01202)
מוסא למ"ט וקאל לה איש אסמהם? קאל לה (01203)
האדולה אסמהם עירין קדישין. (01204)
וטלע אלא אל רקיע אל סאבע אלדי הו (01205)
בנגד יום שבת. ושאף הנאך מלאך (01206)
טולה מסיר כמס מאית סנה. וכולה מן נאר. (01207)
ושאף הנאך אתנין מלאיכה מרבטין בסנאסיל (01208)
מן נאר סודא וחמרא. וכל ואחד טולה כמס (01209)
מאית פרסה. וסאלה מוסא וקאל. אש הום (01210)
האדולא? קאל לה האדולא אף. וחימה. (01211)
כ'לקהם אל רב סובחאנה מששת ימי בראשית (01212)
ליפעלו רע'אה ליע'רב בהם אל רשעים. ולו כאן (01213)
מש הום מחדרין (מזנגרין) כאנו. יחריבו העולם. (01214)
וארתעד משה רבינו ע"ה מנהם שנאמר כי (01215)
יגורתי מפני האף והחמה. וקאל מ"ט למשה (01216)
רבינו ע"ה לוכאן יזעל הקב"ה על שונאי ישראל (01217)
יטלקהם (יפך להם). כאן האדך אל וקת אפילו (01218)
מן עורתהם וכ'ליקתהם יע'יעו ב"מ שונאי ישראל (01219)
ולאם יפע'ל מנהם אחד. וקעד משה רבינו ע"ה (01220)

ירתעד מנהם לחיתא מסכה מ"ט וח'ע'נה ובווסה (01221)
וקאל לה יא מוסא יא חביב אלרב לא תכ'אף (01222)
ולא תפתזע. וחאלן ברד קלב מוסא ואנטרח (01223)
עקלה עליה. (01301)
ובעד דאלך שאף ואחד מלאך ועורתה (01302)
מוכ'תלפה מן גמיע אל מלאכים והו (01303)
מבוער וטולה מסיר כמס מאית סנה. וכולה (01304)
מליאן עיון עיון מן רגולה אלא ראסה וכולהם (01305)
מן נאר. וגמיע אלד'י ישופה יעקט וימות מן (01306)
כת'ר פניעתה וסאלה. מוסא וקאל איש אסמו (01307)
קאל לה הדא ס"מ והו אלדי יאכד נפוס בני (01308)
אדם. וסאלה וקאל לפין הו ראיח דלחין מתסלח. (01309)
קאל לה הו ראיח ליאכ'ד' נפס איוב. פי האד'ך (01310)
אל סאעה קאל משה רבינו ע"ה קודאם השי"ת. (01311)
(רבונו של עולם). יא רב עלמין יבון רע'א (01312)
מן קודאמך אן לא תמכנני פי יד הד'א אל (01313)
מלאך אלדי הו אבזרי. וכול מן תמכנה פי ידה (01314)
הוון עליה. ורגע משה רבינו ע"ה ומ"ט מעה (01315)
ושאף מלאיכה ואקפין קודאם אל רב סובחאנה (01316)
נפיה מעא כול ואחד סתה אנגאח. באתנין (01317)
יג'טי וגהה. ובאתנין יגטי רגולה. ובאתנין (01318)
יטיר. והום יסבחו קודאם אל רב תבארך. (01319)
וכל גנאח וגנאח טולה מסיר כמס מאית סנה. (01320)
וערע'ה מן טרף אל דניא אלא טרפהא (01321)
וסאל מוסא למ"ט וקאל לה איש אסמהם (01322)
האדולא קאל לה האדולא אסמהם שרפים. (01323)
ושאף משה רבינו ע"ה בסא הכבוד פוק חיות (01401)
הקודש אלד'י מא פיה קיאס לכוברהם. (01402)
וקאלו בז"ל באן פי וקת אלדי קאל נבוכדנצר (01403)
הרשע אעלה על במתי עב אדמה לעליון. גוובת (01404)
בת קול ורוח הקודשן מן אל סמא וקאלת לה. (01405)
יא רשע אבן רשע. אבן נמרוד הרשע. יא (01406)
נוטפה כ'אייסה. כם קדר איאם חיאתך? אל (01407)
עדיקים אלדי קד הום קדושי וחסידי. איאם סנין (01408)
חיאתהם סבעין או תמאניין סנה? הוד'א תשוף (01409)
מן אל ארץ' אלא אל סמא מסיר כ'מס מאית (01410)
סנה ובין רקיע לרקיע כנגד כולם. ותכן אל (01411)
סמא אל ת'אנייה כנגד כולם. והכדא הו אל (01412)

חסאב אלא אל רקיע אל סאבע. ומן כד'אך (01413)
קרסולי החינות. וכדאלך בול אבר ואבר של (01414)
החינות אין להם מספר. ורגלי כסא הכבוד ולון (01415)
כסא הכבוד בעין הקרח הנורא. ועליו מלך מלכי (01416)
המלכים הקב"ה רם ונשא. וכיף יא רשע תקול (01417)
אעלה על במתי עב אדמה לעליון. עלא הדא (01418)
ויל לך יא רשע אבן רשע. ויל עליך ועלא סואד (01419)
סעדך. אנתא פקט תנזל אלא שאול ואבדון תחת (01420)
ופי סבעה מסאכנ גהנם יכון חוכמך לדהר אל (01421)
דהור. (01422)
וזאד שאף מוסא פי אל סמא אל מסמא (01423)
ערבות. ואחד מלאך כביר מוכ'יף וקאעד יעלם (01501)
אלנשמות אלדי כלק אל רב ב"ה מששת ימי (01502)
בראשית. וחטאן הקב"ה פי גן עדן ושל מעלה. (01503)
וביעלמאן אל תורה בשבעים פנים בישיבה של (01504)
מעלה וכולהם יקולו הלכה למשה מסני. (01505)
ואסם אל מלאך יופאל (נ"א יפיפיה) שר התורה. (01506)
וקאל רבי שמעון בן יוחאי ע"ה באן פי (01507)
האד'ך אלוקת למן טלע משה רבינו ע"ה אלא (01508)
אל סמא גלס קודס הדא אל מלאך ותעלם (01509)
מנה תלאת מאית וסבעין סודות התורה. וגמיע (01510)
מלאכי השרת אעטוה הדייאת סודות. וחיתא (01511)
מלאך המות אעטאה סוד הקטורת. כמה קאל (01512)
אל פסוק עלית למרום שבית שבי לקחת מתנות. (01513)
וקאל משה רבינו ע"ה להקב"ה אנא מא עאד (01514)
אנזל שי מן הנא. קאל לה לאזם תנזל ולא (01515)
תכ'אף יא מוסא כי אתה עבדי נאמן ביתי. הודה (01516)
קד אעטיתך אל תורה שריעתי אלדי פיהא (01517)
עטאיאת ותעלומאת מליחין כמא קאל אל פסוק (01518)
כי לקח טוב נתתי לכם וכו'. ומכתובין פיהא (01519)
מעות עשה ומעות לא תעשה. ומא הד'א בס? (01520)
אלא זיד אנהום יכונו יד'כרוהן מן אסמך ותכון (01521)
אל תורה כולהא עלא אסמך כמא קאל אל (01522)
פסוק זכרו תורת משה עבדי. ומן אין לנא ראיה (01523)
אנהו טלע מוסא לסבע סמאואת. כמא קאל (01601)
אל פסוק ומשה עלה אל האלוהים. ומכתוב (01602)
עלה אלהים בתרועה. ומשה רבינו ע"ה תסמא (01603)
אלהים. כמא קאל אל פסוק ראה נתתיך אלהים (01604)

לפרעה. לד'אלך קאל עליה אל פסוק בתפוח (01605)
בעצי היער כן דודי בין הבנים. ומתל אן אל (01606)
תופאחה עזיז מן גמיע אל שגר כד'אלך משה (01607)
רבינו ע"ה. (01608)
פי האד'ך אל סאע כ'רג עות מן תחת כסא (01609)
הכבוד וקאל יא מוסא עבדי לא תכאף אן (01610)
אנתא מן משרתי. ומכתוב עיר גבורים עלה (01611)
חכם ויורד עוז מבטחה. ואין עוז אלא תורה (01612)
שנאמר ה' עוז לעמו יתן וקאל הקב"ה למשה (01613)
רבינו ע"ה יא מוסא אנא טלעתך ללסבע אל (01614)
סמאואת. ואעטיתך אל תורה ורויתך מכאן אל (01615)
מלאכים וגמיע כ'זאייני. ד'לחין נחב נרויך אתנין (01616)
היכלות אלדי כלקת פי דניאתי. והן (01617)
גן עדן וגיהנם. ואחד חק אל עדיקים (01618)
וואחד חק אל רשעים. (01619)
תשוף עד'אב אל רשעים כיף הום מעדבין פי (01620)
גיהנם סבב חין כאנו ע'למין וכ'אטיין. ותשוף (01621)
אל עדיקים כיף ראחתהם פי גן עדן וכיף גזאהם (01622)
ענדי. סבב חין כאנו עאלחין פי אעמאלהם אל (01623)
טייבה. ותשוף איש מווכף לאלדי יפעל אל (01701)
מליח פי האד'י אל דניא. (01702)
ופי האד'ך אל סאעה קאל אל רב סובחאנה (01703)
לגבריאל רוח מעא עבדי מוסא ופרגה (01704)
עלא גהנם. פי דאלך אל וקת גא (01705)
גבר"יאל וקאל למשה רבינו ע"ה אמשי מעי לאן (01706)
קאל לי הקב"ה אפרגך עלא גהנם. ולמא ראחו (01707)
ושאף משה רבינו ע"ה אן נאר גהנם תשעל ותלהב (01708)
קאל אנא מא אקדר אשוף גהנם ולא אקדר (01709)
אמשי ועט אל נאר אל לאעייה. קאל גבר"יאל (01710)
למוסא לא תכאף יא מוסא מן נארהא ועאד פיה (01711)
נאר אכאלה תשעל אזייד ואקוא מן האד'ה (01712)
באלף מרה. ואנת יא מוסא תמשי פיהא (01713)
ברוגלך מתל מא ימשי אל אנסאן בין אל מאי (01714)
אל בארד ולא תחרק רגולך מן נארהא. וכול (01715)
ד'אלך בקודרת אל רב תעאלא. (01716)
ופי וקת אלד'י דכ'ל מוסא לישוף גהנם הרבת (01717)
נאר גהנם מן קודאמה כמס מאית פרסה. (01718)
וכד'אלך שר של גיהנם הרב מן אור השכינה (01719)

אלד'י עלא מרע"ה. ועאח עליה מרע"ה. וגא (01720)
אלא קודאמה מתל אל תלמיד קודאם רבנ. (01721)
וקאל לה שר של גיהנם מן אנת. קאל לה אנא (01722)
משה בן עמרם. וקאל לה שר גיהנם ליש גית (01723)
הנא. מש ד'א מכאנד? קאל לה מוסא נעם מא (01801)
הו ד'א מכאני. אילא אנא גית אשוף קוות אל (01802)
בארי. (01803)
פי דאלך אל וקת קאל השי"ת לשר של גיהנם (01804)
רוח מעא מוסא עבדי ופרגה עלא עד'אב אל (01805)
רשעים אלד'י פי גהנם. ופי האדך אל סאע דכ'לו (01806)
מלאך גב"ריאל ושר של גיהנם מעא מרע"ה אל (01807)
גיהנם אל אוולי. ושאף הנאך אל רשעים. (01808)
ומלאכי חבלה ביעד'בוהם עד'אב שניע. שי (01809)
מנהם מעלקין באגפאן (עפוף) עיונהם ושי (01810)
בעיונהם. ושי בלסאנהם. ושי באד'ונהם. ושי (01811)
באידיהם ושי ברגולהם. ופיה מן אל נסואן (01812)
מעלקאת בעיונהן. ופיה בשער ריוסהם. ושי (01813)
באבזאזהן. והם יעיחו וכולהם מעלקין בסנאסיל (01814)
נאר. ושי מרגומין (מרמיין) עלא וגוההם עלא אל (01815)
ארץ' עלא וגה אל נאר אל חאמי. וסאל מוסא (01816)
לשר גיהנם וקאל לה עלא איש אסתחקו הד'א אל (01817)
עדאב? קאל לה אל מעלקין בעיונהם לאנהם (01818)
כאנו ימלו עיונהם מן שוף אל גויות ואשת איש. (01819)
ומן שוף אל עריות. ואלד'י כאנו ישופו מאל (01820)
אעחאבהם בעין בטאלה. ואלד'י כאנו יע'רו (01821)
אל נאס בעינהם אל כ'ביתה. ואל מעלקין (01822)
באידיהם לאנהם כאנו יסרקו עלא אל נאס (01823)
וינהבו ויעמלו אל עבירות באידיהם. ואל (01901)
מעלקין בלסאנהם לאנהם כאנו יתכלמו עלא (01902)
אל נאס בכלאם בטאל ויודו לשון הרע. וישהדו (01903)
עלא אעחאבהם שהאדת זור. ויתכלמו בנבלות (01904)
הפה. ויחלפו באסם אל רב באטל. ויהרגו פי (01905)
וקת קריאת ס"ת ופי וקת אל עלה. ופי קדיש (01906)
ופי אל חזרה וברכת כוהנים. ויפלתו אמן יהא (01907)
שמיה רבא. וירמו אל פתנה וידוורו אל מכ'אעמה (01908)
בין ראגל ומרתה. ובין אנסאן לעאחבה. ואל (01909)
מעלקין ברגולם לאנהם כאנו יסירו יוודו ויגיבו (01910)
כלאם כול שר. ויגרו לל אמור אל בטאלה. (01911)

ולא ירידו ימשו פי דבר מעוה. ואל מעלקין (01912)
באד'ונהם לאנהם כאנו ימיילו אד'ונהם ויתעאוורו (01913)
מן כלאם אל תורה ומן אל עניים. ויחבו יתסמעו (01914)
אל כלאם אל בטאל ודברים בטלים וליענות. (01915)
ויקבלו לשון הרע. ויגתמעו מעא אעחאבהם פי (01916)
אל שבתות ואל מועדים ויקעדו ילעבו ויתסמעו (01917)
אל גנאני וכלאם נבלות הפה ויע'חקו ויתמסכרו. (01918)
ואמא אל נסואן אל מעלקאת בעיונהן לאנהן (01919)
כאנו יכחלו עיונהן וימשו קודאם אל (01920)
רגאל בלא חייא ומא יגטו וגוההן. וישופוהן אל (01921)
רגאל ויכסבו כטא בסבבהן. ואלד'י מעלקאת (01922)
בשער ריוסהן לאנהן כאנו ימשטו וירווזו שער (01923)
ריוסהן ויכלוה מכשוף תחת אל סמא וכאנו (02001)
יכסבו אל גלות ואל עניות לישראל. לד'אלך (02002)
יעלקוהן בשער ריוסהן. ואל מעלקין באבזאזהם (02003)
לאנהן כאנו ירע'עו אולאדהן ועדורהן מכשופה (02004)
קודאם אל רגאל וישופוהן ויכסבו אל נאס כ'טא (02005)
בסבבהן. ואלד'י בירגמו וגוההן עלא גמר אל (02006)
נאר לאנהן כאנו יתבאהו בחסן וגוההן ומא יגטו (02007)
וגוההן לאגל אן ישופו חסנהן ויגזעו מכשופין (02008)
קודאם אל רגאל ויענו פי קלובהן שופו אן נחנא (02009)
חסינין אל עורה. ולאגל דאלך ירגמו בוגוההן (02010)
עלא גמר אל נאר. ושאף נאס מעלקין מן ברית (02011)
מילה חקהם. וקאלו לה עלא שאן אלד'י כאנו (02012)
ימשו פי אמר אל זנות. רח"ל (02013)
ובעד דאלך שאף מוסא מכאן פי גהנם ופיה (02014)
רגאל ונסואן מעדבין בין עואה רותחת (02015)
ואבתהת מוסא וקאל לשר של גיהנם. עלא איש (02016)
אסתחקו האדא אל עדאב ומא אחד יכ'לעהם? (02017)
קאל לה מן אגל אנהם כאנו יג'לסו יום אל גומעא (02018)
בל שבת. ואל נסואן לאגל אנהן כאנו יסרגו (02019)
סראג אל שבת וקד הו גלס. ומא כאנו יחתד'רו (02020)
בכל דיני נדה מליח מליח וכאנו יסבבו אל פתן (02021)
ואל מעאלקה ואל גוע ואל מות פי אל דנייא (02022)
בסבב ד'אלך ולאגל ד'אלך אסתחקו הד'א אל (02023)
עד'אב ולא להן כ'רוג. בעד דאלך שאף מוסא (02101)
בעץ' אל חכמים פי עד'אב יעד'בוהם בתקליע (02102)
עיונהם. וסאל מוסא לשר גיהנם ליש ביעד'בוהם (02103)

כד'א? קאל לה לאגל אנהם מא כאנו ירידו יעלמו (02104)
אל נאס מן עלמהם. ויע'ייקו עיונהם פי אל נאס. (02105)
לאגל ד'אלך יכ'רגו עיונהם ויגאזוהם באפעאלהם. (02106)
בעד ד'אלך שאף מוסא נאס תאניין והם ביעד'בוהם (02107)
התקליע עיונהם. ויקטעו טן לח מהם ויטעמוהם (02108)
מנה. וקאל מוסא לשר של גיהנם עלא איש (02109)
אסתחקו הד'א אל עד'ב? קאל אלה לאגל אנהם (02110)
כאנו יפתחו עיונהם פי סאעת שמנה עשרה (02111)
וכאנו יקטעו חכם בין אל נאס וימסכו ואחד (02112)
ויסייבו ואחד. ולדאלך יטעמוהם מן (02113)
לחמהום. בעד ד'אלך שאף נאס תאניין (02114)
ביטעמוהם גמר נאר. קאל מוסא לשר גיהנם. (02115)
ליש אסתחקו הדא הל עדאב? קאל לה לאגל (02116)
אנהם כאנו יאכלו מאכלות אסורות וישרבו יין (02117)
נסך ומא ירגעו יתובו. ובעד שאף נאס והם (02118)
ביעיחו ואל דודה תכרג מן לחמהם. ועליהם (02119)
קאל אל נביא בי תולעתם לא תמות. וקאל (02120)
מוסא לל מלאך עלא איש אסתחקו הדא אל (02121)
עד'אב? קאל לה לאנהן כאנו יגארו מן אל נאס (02122)
מן מא מעאהם מן אמואל וגיר. ומן גירתהם (02123)
וחסאדתהם יתד'מרו (יתברטמו) עלא רבהם. (02201)
ומן אגל דאלך אל דודה תכ'רג מן לחמהם. (02202)
בעד דאלך שאף מוסא נאס וביגיבו להם רמל (02203)
(ניס) ויטעמוהם ויגיבו להם עלקם (חנעל). מאי (02204)
מרירו ויסקוהם. וקאל מוסא לל מלאך עלא (02205)
איש אסתחקו הד'א אל עדאב? קאל לה לאנהם (02206)
כאנו יחבו אכל אל גזל וכאן ינטעם להם אנהו (02207)
חלו. ועליהם קאל אל פסוק שני רשעים שברת. (02208)
בעד דאלך שאף מוסא נאס ביע'רבוהם בקעבאן (02209)
וסנאסיל מן נאר ע'רב עע'ים. קאל מוסא לל (02210)
מלאך עלא איש אסתחקו הד'א אל עד'אב? קאל (02211)
לה לאנהם כאנו ינקאלו לשון הרע וכמא מת'ל. (02212)
ובעד דאלך שאף מוסא סנאסיל כתיר מעלקין. (02213)
סאל מוסא וקאל לל מלאך למן האד'ולא אל (02214)
סנאסיל? קאל לה למן כאן יפעל האד'י אל (02215)
אפעאל יעלקוה פיהו. וסמע משה רבינו ע"ה (02216)
אן גיהנם תעיח בעות קוי ותקול הב! הב! יא (02217)
רב אל עאלמין אעטיני קסמי ונעיבי לאני גיעאנה (02218)

והיתא לו נאכל רשעים כתר'ר מא נשבע שי (02219)
וכ'רג עות מן אל סמא וקאל איש אעטיך ארואח (02220)
אל עדיקים או ארואח אל רשעים? קאלת גיב (02221)
לי קסמי והם אל רשעים אעד'בהם. מא לי (02222)
קודרה ולא פעל פי אל עדיקים. וסאל מוסא (02223)
לל מלאך איש אסם הדא אל מטרת. קאל לה (02301)
עלוקה אסמה כמ"ש לעלוקה שתי בנות הב (02302)
הב שאול ואבדון לא תשבענה. (02303)
בעד דאלך שאף מוסא רשעים מעלקין ראסהם (02304)
לתחת ורגולהם לפוק. ולחמהם כולהם מליאן (02305)
דוד אסווד. וכול דודה ודודה טולהא כ'מס (02306)
מאיית פרסה והומא יעיחו ויקולו ויל לנא מן (02307)
הד'א אל עדאב. ויל עלינא מן עדאב גהנם. (02308)
ומא אחד יחן עליהם ולא ירחם. ויטלבו אל (02309)
מות ולם ימותו. ועליהם קאל אל פסוק המחכים (02310)
למות ואיננו. וקאל מוסא לל מלאך עלא איש (02311)
אסתחקו הד'א אל עדאב? קאל לה מן כתר'ר אל (02312)
אימאן אל באטלה אלד'י כאנו יחלפו פי כול (02313)
סאעה. או יחללו שבת ואל אעיאד. ומא (02314)
יכ'אפו מן גלס אל שבת וכאנו יבהדלו ת"ח (02315)
ויתהזו עליהם וכול מן. מן יסרק עלא אל (02316)
אלמנות ואל יתומים. ישעד שהאדת זור. וכול (02317)
מן ילען אבוה או אומה. ואלד'י יערבהם או (02318)
יעאעיהם ואלד'י יכ'רג שם רע עלא עאחבו. (02319)
חוכמהם בהאדי אל אגנאס. יעלט אל רב עליהם אל (02320)
דודה הד'י תעד'בהם. וימכנהם פי יד מלאכים (02321)
אכזריים ויעמלו פיהום נקמות ודינים קשים רח"ל. (02322)
ת'ם זאד משה רבינו ע"ה ודכ'ל לגהנם. ושאף (02323)
רשעים מעד'בין ופיה מעלטין עליהם חיאת ועקארב (02401)
ילקעוהם. וכול עקרב להא סבעין אלף פום (02402)
גארייאת (יסילון) מאי סום ועלקם. ומן כתר (02403)
סומהם וחומתהם ינטוו אגסאדהם. והם יעיחו (02404)
ויקולו ויל לנא מן יום אל חוכם ויל עלינא מן (02405)
הד'א אל עד'אב. ומא פיה מן יחן עליהם ולא (02406)
ירחם. קאל מוסא עלא איש אסתחקו ד'א (02407)
אל עדאב? קאל לה. האד'ולא. כאנו יסרקו מאל (02408)
ישראל. וכול מן כאן יאכול מאל ישראל או (02409)
יאכ'ד' שחד או יתגבר עלא עאחבו. וכול מן (02410)

יכ'רג עלא אחד מן ישראל שם רע. ואלד'י ימסור (02411)
אל ישראל פי יד אל גוים. ואלדי יכ'זי בעאחבו (02412)
בין אל נאס או אלדי יכפנר בתורה שבעל פה (02413)
או פי תחיית המתים. ואלד'י ינכר ויקול אן מא (02414)
כלק אל רב אל סמאואת ואל ארץ'. ואלדי (02415)
ינכר בגיית משיח בן דוד. וכול מן יפעל האדי (02416)
אל אפעאל. יעלט אל ראב עליה האדולא אל (02417)
חיאת ואל עקארב. (02418)
תם ראח מוסא אלא מכאן תאני ופתח עינה (02419)
ושאף רשעים מעלקין בסנאסל נאר. ומן (02420)
עדורהם ופוק נאר. ומן עדורהם ותחת ת'לג. (02421)
וביגיבו להם חגאר מן נאר ויע'רבוהם עלא (02422)
אסנאנהם מן אל עבח אלא אל מג'רב. פי אל (02423)
ליל יטוולו להם אסנאנהם כול ואחדה פרסה ופי (02501)
אל עבח יכסרוהן להם. כמא קאל אל פסוק (02502)
שיני רשעים שברת. ויגיבו להם צואה רותחת. (02503)
וקאל מוסא עלא איש אסתחקו הד'א אל עד'אב? (02504)
קאל לה לאנהם אכלו נבלות וטרפות ואכל (02505)
חראם. וטביך אל גוים. או אלדי יאכול יום (02506)
אל כפנר. ואלד'י יתשמד. ואלד'י יעטי פלוס לל (02507)
ישראלי בל רבא. ואלד'י יכתב שם המפורש או (02508)
שמות הקדושים ללגוים. ואלדי יסרק פי אל (02509)
מיזאן ואל מביאל. ואלדי יפעל שחם אסור או (02510)
דם פי אכל. או יטעם ישראל נבלה או טריפה. (02511)
וכול מן יפעל ד'אלך יעד'בוה פי הדא אל עדאב. (02512)
תם סאר מוסא אלא מכאן תאני ושאף רשעים (02513)
נעפהם בין אל נאר ונעפהם בין אל ת'לג (02514)
ופי אל ליל יטרחו אל תלג מכאן אל נאר. קאל (02515)
מוסא עלא איש אסתחקו הדא אל עדאב? קאל (02516)
לה לאנהם כאנו מתכברין והם מוולאין עלא (02517)
ישראל. וכאנו יע'למו אל עניים. ויגברו ויסאמחו (02518)
אל עשירים. ויקהרו ויג'ת'ו אל עניים. ולאגל (02519)
דאלך יעדבוהם הדא אל עד'אב. (02520)
וקאל שר של גיהנם למוסא תעאל יא מוסא (02521)
ושוף איע'א אל רשעים אל מתעד'בין פי (02522)
גיהנם פי מכאן תאני! קאל לה מוסא. אנא (02523)
מא עאד אקדר אשוף. קאל לה תעאל (02601)
וחווט אל שכינה קודאם עיונד ולא תכ'אף ולא (02602)

תפזע. וסאר מוסא אלא הנאך ושאף אל שכינה (02603)
(מאשייה) תמשי מעה קודאמה לאגל לא יפתזע (02604)
מן מלאכי חבלה כמא קאל אל פסוק גם כי אלך (02605)
בגיא עלמות לא אירא רע כי אתה עמדי. ושאף (02606)
מלאכי חבלה. וכול ואחד מליאן כולה עיון. (02607)
עיון. וסנאסל מן נאר פי אידוהם. וכול מלאך (02608)
טולה מסיר כמס מייאת סנה. ושאף הנאך (02609)
רשעים ביעדבואם פי אל ת'לג'. ואלדודה (02610)
כאנת תכ'רג מן גסמהם. ובעד דאלך ינזלו (02611)
עליהם נאר ומאי חאמי מן נהר דינוב ויע'רבוהם (02612)
פי אסנאנהם בקעבאן מן נאר ויעד'בוהם פי סבע (02613)
טרוק פי כול יום. וחלקה מן נאר מעלקה פי (02614)
רקיבהם. ומא להם לא נסמה ולא ראה. (02615)
אלא פקט יום אל שבת. ועליהם קאל אל פסוק (02616)
ויצאנו וראו בפגרי האנשים הפושעים בי כי (02617)
תולעתם לא תמות ואשם לא תכבה. וסאלה (02618)
מוסא וקאל איש ד'נבהם האדולא? קאל לה. (02619)
האדולא כאנו ירוחו מעא אשת איש ועלא אל (02620)
ד'כר. וידכ'לו עלא אל גויה. ואלד'י יעבד עבודה (02621)
זרה. וגלוי עריות ושפיכות דמים. ואלד'י (02622)
ישתם אבוה או אומה. ואלדי יתהזא עליהם. (02623)
ואלד'י יקול אנהו אלאה. מתל נמרוד (02701)
ופרעה. ונבוכדנצר וחירם. לד'אלך יעטיהם (02702)
אל רב פי יד מלאכי חבלה ליסתנקמו מנהם. (02703)
וסאלה מוסא וקאל לה איש אסם אל מטרח (02704)
הד'א? קאל לה. אבדון. בעד ד'אלך עלא (02705)
מוסא וקאל יא רב אל עאלמין. בטלבה מנד (02706)
יא אלאהי ואלאה אבאתי. אסאלך אן תכלעני (02707)
ותכלץ קומך בני אשראל מן האד'י אל מטארח. (02708)
ותרגע אל כ'אטיין בל תובה ותקבל תובתהם. (02709)
ת'ם קאל אל רב למשה רבינו ע"ה יא מוסא (02710)
עבדי. שוף קד פרגתך עלא מטארח אל (02711)
רשעים. דלחין נחב נפרגך עלא גן עדן מטרח (02712)
עדיקים. אנא כלקת אל גנה וגהנם. מן (02713)
פעל אל שר. (אל בטאל) ינזל גהנם. ומן פעל (02714)
כ'יר ידכ'ל אל גנה. וכמה קאל אל פסוק אני ה' (02715)
חוקר לב בוחן כליות. (02716)

גן עדן (02717)
בעד דאלך גא גברי"אל וקאל לה. שופת (02718)
גהנם יא מוסא? קאל לה (02719)
נעם. וקאל לה דלחין תעאל מעי ואפרגך עלא (02720)
אל גנה ברשות השי"ת. תשוף אל אגר אל די (02721)
יכון להם לעולם הבא. ולמן משה מרע"ה (02722)
מעא גבר"יאל אגו אל מלאיכה וקאלו לה ליש (02723)
גיבת הדא ועאדה מא קד ועל וקתה? קאל (02801)
להם. השי"ת בעתה וארסלני נדכ'ל נפרגה (02802)
ישוף קוות השי"ת וכיף הו אגר אל עדיקים פי (02803)
גן עדן. ווקפו אל מלאיכה וסבחו למוסא (02804)
וקאלו לה טובא לך ויא בכ'תך יא מוסא עבד (02805)
אל רב. טובא לך ויא בכ'תך יא מולוד אנסאנה (02806)
אלד'י זכית תטלע לסבע סמאואת אשרי העם (02807)
שככה לו. שככ"ה גימטריא מש"ה. (02808)
ולמן דכ'ל משה רבינו ע"ה אלא גן עדן שאף (02809)
ואחד מלאך קאעד תחת שגרת אל (02810)
חייה. פקאל מרע"ה לגברי"אל מן הו הד'א? (02811)
קאל לה הווא אל שר אל מווכל עלא גן עדן. (02812)
וגא השר הנזכר וקאל למוסא מן אנת? קאל (02813)
לה אנא משה בן עמרם. קאל לה ועלא איש (02814)
גית אלא הנא ומא קד ועל וקתך? קאל לה (02815)
מוסא. גית באמר השי"ת אשוף אגר אל עדיקים. (02816)
פי האדך אל וקת קאל אל שר חק גן עדן (02817)
למרע"ה אנא חאצ'ר נפרגך ומסך ביד מרע"ה (02818)
וראחו אתנינהם סווא וקעד יפרגה. וגזעו עלא (02819)
מטרח. ושאף מרע"ה כראסי מכלאיין ואחד שק (02820)
ואחד וכולהן מן אבנים טובות ומרגליות ופעוץ (02821)
דיאמנט ובהרמאן ויאקות אזרק ועיקק אחמר (02822)
ואביץ'. ורגולהן מן ד'הב מרעע בל גואהר. (02823)
ועלא כול כורסי וכורסי סבעין מן אל מלאיכה (02901)
ואקפין ענדה ופיה בינהם ואחד כורסי כביר (02902)
אלדי מא פיה מת'לה בד'הב מרעע בל גוהאר (02903)
ואל יאקות וכול אננאס אל גואהר פיה. ואתנין (02904)
ועשרין אלף מלאך ואקפי ענדה. וסאל מוסא (02905)
לשר גן עדן וקאל לה. הדא אל כורסי אל מזיין (02906)
חק מן? קאל לה הד'א אל כורסי חק אברהם (02907)
אבוכם ע"ה אלדי אנשא אל תוחיד פי אל דניא. (02908)

וחאלן ראח מוסא אלא ענד אברהם אבינו ע"ה. (02909)
וקאם אברהם אבינו ע"ה. ופרח במרע"ה וקאל (02910)
הודו לה' כי טוב כי לעולם חסדו. אלדי ענדי (02911)
זרע מת'ל הדא. וראח מוסא אלא ענד אל כורסי (02912)
חק יצחק אבינו ע"ה ופרח יצחק וקאל הודו לה' (02913)
כי טוב בל"ח. וכד'אלך ראח אלא ענד אל (02914)
כורסי חק יעקב אבינו ע"ה וקאל הודו לה' כי (02915)
טוב כל"ח ופרחו בה כתי"ר. וסאל מרע"ה לל (02916)
שר חק גן עדן וקאל לה בם קדר טול גן עדן (02917)
וכם הו קדר ערע'הא. קאל לה יא מוסא מא (02918)
אחד יערף בד'אלך לא מלאך ולא ג'יר. ומא (02919)
אחד יקדר יקאיסהא אלא השי"ת אלדי כ'לקהא. (02920)
וזאד שאף מרע"ה כראסי כתיר מן אבנים טובות (02921)
ומרגליות ודהב ופוע'ה ונחאס אעפר ואל מלאיכה (02922)
חארסין להן. ומא הדא ישבה להדא. וסאל (02923)
מרע"ה לשר גן עדן. וקאל לה למן האדולא (03001)
אל כראסי? קאל לה. האדולא לתלמידי חכמים (03002)
אל ענוים. לל נביאים ואל חסידים ואל עדיקים. (03003)
וזיאדה לבעלי עדקה. ולבעלי תשובה ולגרי (03004)
העדק. וכול ואחד עלא קדר דרגתה לפי כבודו (03005)
ולפי מעלתו ולפי מעשיו הטובים. ואמא לבעלי (03006)
אמונה אלדי יביעו וישתרו באמונה. ויעלו בכוונה (03007)
ומא יתכלמו שי פי בית הכנסת. ויעטו עדקה. (03008)
אל כראסי חקהם אכתר מן האד'י. וסאל (03009)
מרע"ה וקאל לשר גן עדן למן הד'א אל כורסי (03010)
אלד'י מן נחאס? קאל לה הד'א לתרח אבו (03011)
אברהם. וכד'אלך כול מן כאן הווא עם הארץ (03012)
ורשע. ואבנה חכם ועדיק. יעמלו לאבנה (03013)
כורסי מת'ל הד'א ויזכה לגן עדן וקאל אל פסוק (03014)
ואתה תבוא אל אבותיך בשלום. ובעד ד'אלך (03015)
שאף מרע"ה גיול ועיון מאי טאלעין מן תחת (03016)
שגרת אל חייה ויתקסמו לארבעה אקסאם. ויגי (03017)
מן תחת כסא הכבוד וינדאר עלא גן עדן כולהא. (03018)
ותחת כול כורסי וכורסי ארבעה ודיאן. ואחד (03019)
מן עסל ואחד זית (ס"א חליב) וואחד שראב (03020)
(נבית) וואחד מסך ועטר. וכולהם ימשו מן (03021)
תחת רגול אל עדיקים אלד'י קאעדין עלא אל (03022)
כראסי. וזיאדה אן כול עדיק ועדיק יעטיה (03023)

השי"ת שי עולמות שנאמר להנחיל אוהבי יש. (03101)
פי הדאך אל סאעה פתח המלך המשיח פומה (03102)
וקאל למשה רבינו ע"ה יא בכתך יא משה' ולמן (03103)
שאף מרע"ה אל רקיעים ואל עולמות ואן גמיע (03104)
כול חאגאת אל עאל ואל כ"יר הד'א מכבא (03105)
לישראל. פרח פרחא כבירה וקאל מה רב טובך (03106)
אשר עפנת ליריאך. וכרג עות מן אל סמא (03107)
וקאל יא מוסא עבדי קד זכית ושופת בעיניך (03108)
אגר אל עדיקים ואלכ"יר אל מכ'בה ואל מרפוע (03109)
להם לל דניא אלגאייה הכדא תזכה לעוה"ב. (03110)
ולרוב טוב העפון לעדיקים אנת וגמיע ישראל. (03111)
ופי בנא בית המקדש ופי גיית אל משיח. (03112)
ותשוף פי נעמת אל רב ותזור פי היכלה. יבון (03113)
רע'ה מן קודאמך יא אלאהנא ואלאה אבאתנא. (03114)
אן נזכה נחנא וגמיע קומך בית ישראל לל כ"יר (03115)
אל מליח הד'א ולתחיית המתים ולחיי העולם (03116)
הבא אמן כן יהי רעון אמן. (03117)

ת"ו ש"ל ב"ע (03118)